



Ad b yiibã b namd-b lame, la ad b ka namsd-ba yel bedr poorẽ ye, b yiibã yembrã, yẽnda rag ka yɪ n gũusd a ruudmã tɪ ra mat a mengã ye, la sã n yaa yembrã, yẽ rag n kẽnda ne tẽng-kãn-wẽendo nebã ne taab suka

Yii a [bn 'Abbaas nengẽ, (Wënd yard be b yiibã yĩnga), a yeelame: Nabiyaamã (Wënd puusg la A tɪlgr be a yĩnga) puusga yaad a yiibu, n yeele: «Ad b yiibã b namd-b lame, la ad b ka namsd-ba yel bedr poorẽ ye, b yiibã yembrã, yẽnda rag ka yɪ n gũusd a ruudmã tɪ ra mat a mengã ye, la sã n yaa yembrã, yẽ rag n kẽnda ne tẽng-kãn-wẽendo nebã ne taab suka», rẽ poorẽ Nabiyaamã rɪka ra-maasre, n wedg-a yiibu, n rɪk yembr fãa n sel yaoog zugu, tɪ b yeele: Wënd Tẽn-tuuma bõe tɪ fo maan woto? T'a yeele: «tõe tɪ b boog nangã b yĩnga, tɪ b sã n na n ka ku»".

[Naşun Şahuhun (Gom-sikdem sẽn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã (Wënd puusg la A tɪlgr be a yĩnga) puusga yaad a yiibu, n yeele: Ad yaad a yiib-kãensã rãmbã, b namsda b yiibã, la b ka namsd b yiibã yell sẽn yaa bedre yãmb gesg pugẽ ye, baa tɪ sã n mikame tɪ yaa bedr Wënd nengẽ, la sã n yaa b yiibã yembrã, a rag ka yɪ n ningd a toaaga la a gũus a menga la a futã n yi a ruudmã, a sẽn wat n maand we-kεeng ye, la a yembrã, yẽ rag n yume n kẽnd ne tẽn-kãn-wẽendem, nebã ne taa suka, rënd a rag n rɪkda nebã goam n taasd taaba, tɪ yaa sẽn na n nams-ba la yõs-taaba, la a kees zaba nebã ne taab suka.

<https://sunnah.global/hadeeth/mos/show/3010>

